

## SENWES GRAINLINK

### (Jan Kempdorp, Strydpoort en Wolmaransstad)

#### BERGING- EN HANTERINGSTARIEWE VIR MIELIES EN GRAANSORGHUM 2021/2022

#### KENNISGEWING AAN ALLE SOMERGRAANKLANTE VIR DIE LEWERING VAN MIELIES EN GRAANSORGHUM VIR DIE 2021/2022 BEMARKINGSEISOEN

Geagte Klant

Senwes (Edms) Bpk , hierna verwys as Senwes Grainlink, gee hiermee kennis van die mielies en graansorghum opbergings opsies en tariewe soos wat dit vir die 2021/2022 (1 Mei 2021 tot 30 April 2022) seisoen toegepas sal word.

Die beplanning is om die drie silo's naamlik, Jan Kempdorp, Strydpoort en Wolmaransstad binne die volgende paar maande oor te verkoop aan `n nuwe maatskappy wat steeds deur Senwes Grainlink bestuur sal word. Om hierdie rede word daar `n aparte tarief dokument uitgestuur vir hierdie drie silo's. Sodra die veranderinge gefinaliseer is, sal kennisgewing aan klante uitgestuur word.

Hierdie inligtingsbrief en kennisgewing gelees met Senwes Grainlink se standaard opbergings voorwaardes (wat by die silo en op aanvraag beskikbaar is) vorm die geheel ooreenkoms waar kragtens u van die opbergingsfasilitet gebruik maak. Indien enige terme en voorwaardes wat hierin vervat is, die standaard terme van toepassing op die opberging van produkte weerspreek, sal die bepalings van hierdie kennisgewing deurslaggewend wees. Enige keuse wat hiervolgens uitgeoefen word is slegs van toepassing op die toepaslike seisoen.

Niks hierin vervat sal vertolk word as dat die Graansilo eienaar verplig wees om alle of enige produkte aangebied deur die Graansilogebruiker, vir opberging te aanvaar nie. Die aanvaarding daarvan al dan nie sal te alle relevante tye berus by die Graansilo eienaar wat sy diskresie sal mag uitoefen aan die hand van onder andere, sy eie behoeftes, die beskikbaarheid van kapasiteit of die funksionaliteit al dan nie van bepaalde silo's.

Senwes Grainlink behou die reg voor om die tariewe gedurende die jaar te verander sou operasionele omstandighede dit vereis. Waar graan gelewer is en die relevante bergings opsie gekies is, sal die nagekom word.

Kliënte moet hul self vergewis van die tariewe sodat die regte keuse gemaak kan word, geen krediet sal gegee word vir die verkeerde keuse wat gemaak is nie.

Administratiewe en diverse tariewe word in hierdie tarief dokument gewysig en vervang dus alle vorige publikasies .

**\*Die vordering van statutêre heffings BTW ingesluit, word gedoen soos wat deur wetgewing vereis word.**

#### LET WEL BTW IS BETAALBAAR OP ALLE TARIEWE

Hierdie is die standaard opbergistariewe wat toegepas gaan word indien u nie een van die ander bergingsopsies kies nie.

## 1. Opbergingskoste - Graansorghum vir 2021/2022:

Graansorghum (Jan Kempdorp, Strydpoort en Wolmaransstad)	Hantering R/Ton	Dag Tarief	Seisoen Tarief
	R66.38 (Sonder BTW)	R0.97 (Sonder BTW)	R129.01 (Sonder BTW)
	R76.34 (Met BTW)	R1.12 (Met BTW)	R148.36 (Met BTW)

\*Let wel dat die beskikbaarheid van kapasiteit vir lewering van graansorghum by silo's eers met die betrokke silobestuurder bevestig moet word voor lewering.

### 2.1 OPBERGINGSKOSTE - Mielies 1 Mei 2021 tot 30 April 2022

Silo	Hantering (Sonder BTW)	Dag tarief (Sonder BTW)	Seisoen tarief (Sonder BTW)
Jan Kempdorp Silo	R 60.45	R 0.96	R 126.12
Strydpoort Silo	R 50.40	R 0.96	R 118.80
Wolmaransstad	R 50.40	R 0.96	R 118.80

\* Ontvangspunte wat gebruik word as deurvoer punte se Dag - en Seisoentariefl sal gehef word gelykstaande aan die Silo/Bedryfspunt van Senwes Grainlink waarheen die gaan oorgeplaas word.

2.2.1 Die opbergingstarief is maandeliks betaalbaar, tensy vooraf finansieringsreeelings getref is met Senwes Grainlink, in welke geval die mielies of graansorghum as sekuriteit aangewend sal word. Die koste vir hierdie tarief-opsie word gefakteer by lewering of oorplasing van mielies of graansorghum na hierdie opsie en is binne 30 dae na maandstaat betaalbaar waarna rente teen ABSA Bank se heersende prima uitleenkoers +2%, soos van tyd tot tyd van toepassing, gehef word vanaf die datum waarop die bedrag betaalbaar was tot datum van volle betaling. Vir doelmatigheidsredes word na mielies en graansorghum hierna verwys as "graan", tensy spesifiek gedefinieer.

2.2.2 Die klant moet sy **keuse skriftelik by die silo of by Senwes Grainlink se hoofkantoor** uitoefen ten einde van hierdie opsie gebruik te maak.

Fakturering sal plaasvind binne 7 (sewe) dae nadat die keuse uitgeoefen is en gemelde faktuur sal betaalbaar wees binne 30 (dertig) dae na die datum van die maandstaat/faktuur, waarna rente teen ABSA Bank se heersende prima uitleenkoers +2%, soos van tyd tot tyd van toepassing, gehef word vanaf die datum waarop die bedrag betaalbaar was tot datum van finale betaling.

Die toepaslike hanteringstarief per ton sal tesame met seisoenopbergung gedebiteer word en is betaalbaar voor of op 30 (dertig) dae na maandstaat.

2.2.3 Regte ingevolge die **seisoensopbergingsopsie** is nie oordraagbaar nie, indien voorraad vanaf een klant na 'n ander klant oorgeplaas word.

Waar voorraad vanaf 'n klant se folio na die klant se finansiering folio oorgedra word is die regte wel oordraagbaar

**Let wel:** Waar voorraad vanaf 'n dag tarief na seisoen tarief oorgeplaas word, is albei tariewe toepaslik soos gestipuleer op die tarief dokument.

Klante word versoek om deeglike beplanning met betrekking tot opbergingskeuses te doen aangesien geen krediet op die seisoentarief toegestaan sal word indien mielies en/ of graansorghum verkoop of uitgelaai word voor die einde van die seisoen nie.

2.2.4 Hierdie opsie geld slegs vir mielies en graansorghum wat op 'n voorraadrekening gehou word. Indien die klant wat mielies of graansorghum kragtens 'n silosertifikaat (Safex of Senwes Grainlink) hou, van die opsie gebruik wil maak, moet die silosertifikaat gekanselleer word en die tonnemaat mielies of graansorghum op 'n voorraadrekening geplaas word.

Die administratiewe koste vir die oorplasing beloop R4.21 (BTW uitgesluit) R4.84 (BTW ingesluit) per ton, onderhewig aan 'n minimum bedrag van R92.21 (BTW uitgesluit) R106.04 (BTW ingesluit) per transaksie.

2.2.5 Senwes Grainlink behou homself die reg voor om enige tyd die silo's waar die opsie van toepassing is, te verander, welke besluit geneem sal word gebaseer op besigheidsoorwegings volgens Senwes Grainlink se eie diskresie. Waar graan reeds gelewer is, sal transaksie eerbiedig word.

## 2.2.6 Volume kortings – Volume korting is slegs van toepassing op seisoentarief

### MIELIES:

Senwes Grainlink het die volume kortings vir die 2021/2022 somergraan uitgebrei en die silo's is in vier kategorie ingedeel waar die onderskeie volume korting op die omvang van die lewering van toepassing is. Volume korting sal gekrediteer word teen 30/04/2022.

**Hierdie kortings sal slegs geld op eerste lewering en sal nie gelyklopend met enige ander kortings of ander spesiale aanbiedinge deur Senwes Grainlink van toepassing wees nie\*:**

### 2.2.6.1

SILO KATEGORIE	VOLUME KORTING PER KLANT (per ton)*				
	5 000 ton plus	10 000 ton plus	20 000 ton plus	50 000 ton plus	100 000 ton plus
	KORTING %	KORTING %	KORTING %	KORTING %	KORTING %
Kategorie 1	2.5	5	7.5	10	12.5
Kategorie 2	5	7.5	10	12.5	15
Kategorie 3	7.5	10	12.5	15	17.5
Kategorie 4	10	12.5	15	17.5	20

## **2.2.6.2. Die korting tariewe by die onderskeie silos volgens kategorie ingedeel.**

Kategorie 1	Kategorie 2	Kategorie 3	Kategorie 4
Jan Kempdorp Silo			
Strydpoort Silo			
Wolmaransstad			

### **GRAANSORGHUM:**

- a) 2,5% korting >20 000 ton
- b) 5,0% korting >40 000 ton
- c) 7,5% korting >60 000 ton

**Die volgende silo's is vir ontvangs van Graansorghum by Safex geregistreer:**

MSRG - Soet (GM1) SILOS	MSBT - BITTER (GH1) SILOS
Strydpoort	Strydpoort

### **3. UITGESTELDE OPBERGING (slegs met eerste lewering mbt Mielies en Graansorghum).**

Klante het tot 31 Desember 2021 tyd om 'n opbergingsopsie te kies. Gedurende die periode tot 31 Desember 2021 word die debitering van hantering en bering uitgestel tensy die bepalings van 'n spesifieke opsie anders bepaal. Op 31 Desember 2021 sal klante gefakteer word.

Indien graan wat op die uitgestelde opberging gelewer is, verkoop word voor of op 31 Desember 2021, word die hantering en opgelooste opbergung soos op datum van die transaksie deur Senwes Grainlink verreken (sien paragraaf hier onder) en dit is betaalbaar voordat die graan uitgelaai of 'n silosertifikaat soos deur die klant versoek, uitgereik en gelewer word.

**Indien die klant versuim om 'n opbergingsopsie van sy keuse voor 31 Desember 2021 te kies, sal die plafon tarief bereken word op 'n 132 dae dag basis (dagtarief soos hierbo onder paragraaf 2.1 uiteengesit) toegepas word. Betaling moet binne 30 dae na staat plaasvind.**

**Verder sal die hanteringstarief, soos vermeld in paragraaf 1 en 2.1, ook outomatis gehef word. Betaling moet ook binne 30 dae na staat plaasvind.**

**4. SAFEX (Johannesburg Stock Exchange Commodities Market (Agricultural commodities))  
TARIEF**

**Die tarief met betrekking tot hierdie opsie sal van toepassing wees op alle graan wat gehou word kragtens 'n Safex silosertifikaat onderhewig aan die volgende bykomende terme en voorwaardes. Klante moet hulself vergewis daarvan dat die Safex tarief slegs van toepassing is by Safex geregistreerde silo's.**

- 4.1 Die Safex tarief soos gepubliseer deur Safex word outomaties deur die stelsel gehef vanaf die datum waarop die Safex silosertifikaat uitgereik word tot op die datum waarop die sertifikaat by Senwes Grainlink aangebied word.
- 4.2 Graan word nie uitgelaai voordat alle uitstaande opgelope silokoste betaal is nie.
- 4.3 Wanneer 'n Safex silosertifikaat uitgereik word, moet die opgelope silokoste ooreenkomsdig die silokoste-opsie wat gegeld het tot op die datum van uitreiking, onmiddellik betaal word, voordat die sertifikaat uitgereik sal word.
- 4.4 Die klant is geregtig om enige tyd gedurende die onderhewig seisoen in oorleg met Senwes Grainlink die Safex silosertifikaat wat aangebied word om te skakel na klante-opberging en sy keuse uit te oefen met betrekking tot ander tarief opsies wat wel van toepassing is. Die administratiewe koste vir die omskakeling sal 'n bedrag van R4.21 (BTW uitgesluit) R4.84 (BTW ingesluit) per ton beloop, onderhewig aan 'n minimum bedrag van R92.21 (BTW uitgesluit) R106.04 (BTW ingesluit) per transaksie.

**5. OORDRAGVOORRAAD**

Die tarief van toepassing vir opberging op alle graanvoorraad, wat oorgedra word vanaf die seisoen waarin dit gelewer is en op die ondergenoemde datum van oordrag in opberging in Senwes Grainlink se silo's geberg word, is die dagopbergingstarief soos omskryf in paragraaf 2.1 hierbo, totdat die opberging gelykbreek met die 132 dae.

Die opbergingstarief is maandeliks betaalbaar, tensy vooraf skriftelike finansieringsreeelings getref is met Senwes Grainlink, in welke geval die graan as sekuriteit aangewend sal word.

Rente sal gehef word volgens die graan opbergings ooreenkoms aangegaan op enige opbergingskoste wat nie betyds betaal word nie, waarna rente teen ABSA Bank se heersende prima uitleenkoers + 2%, soos van tyd tot tyd van toepassing, gehef word vanaf die datum waarop die bedrag betaalbaar was tot datum van finale betaling.

Produk	Datum van oordrag
Mielies	1 Mei 2022
Graansorghum	1 Mei 2022

Alle oordragvoorraad op silosertifikaat (SAFEX of Senwes Grainlink) sal teen die toepaslike dagtarief opgeberg word sonder 'n plafonbedrag.

## **6. SENWES GRAINLINK SILO-SERTIFIKATE**

- 6.1 Die Senwes Grainlink opbergingsstariewe soos omskryf in paragraaf 2.1 word outomaties deur die stelsel gehef vanaf die datum waarop die silosertifikaat uitgereik word tot op die datum waarop die sertifikaat by Senwes Grainlink aangebied word.
- 6.2 Wanneer 'n Senwes Grainlink silosertifikaat uitgereik word, moet die opgelope silokoste, ooreenkomsdig die silo-koste-opsie wat gegeld het tot op die datum van uitreiking, onmiddellik betaal word, voordat die sertifikaat uitgereik sal word.
- 6.3 Die klant is geregtig om ter enige tyd in oorleg met Senwes Grainlink die sertifikaat wat aangebied word, om te skakel na klante-opbergung en sy keuse uit te oefen met betrekking tot ander tarief opsies wat wel van toepassing is. Die administratiewe koste vir die omskakeling sal 'n bedrag van R4.21 (BTW uitgesluit) R4.84 (BTW ingesluit) per ton beloop, onderhewig aan 'n minimum bedrag van R92.21 (BTW uitgesluit) R106.04 (BTW ingesluit) per transaksie.

Graan word nie uitgelaai voordat alle uitstaande opgelooppe silokoste betaal is nie.

## **7. ONTVANGSTES**

**Senwes Grainlink is nie verplig om enige graan in ontvangs te neem nie.**

### **7.1 Fisiese verliese**

Die graanmassa wat klante lewer, is onderhewig aan fisiese verliese en breekskade tydens opbergung en word by ontvangs met die volgende persentasies verminder:

#### **Mielies**

- Indien 2% en minder sifse onder die 6.35mm graderingsif, sal 'n aftrekking van 0.85% toegepas word.
- Indien 2.1% en meer sifse onder die 6.35mm graderingsif, sal 'n aftrekking van 1% toegepas word.

#### **Graansorghum - 'n aftrekking van 2.28 %**

## 7.2 Oortollige vog

Onderhewig aan klausule 8.1.4, sal slegs graan met 'n maksimum vog persentasie van 14%, ontvang word. Sou Graan, waarvan die maksimum vog persentasie hoër is as die vog persentasies hieronder uiteengesit (maar nie meer as 14 persent vog inhoud oorskry nie), ontvang word, sal die gelewerde graanmassa by lewering en met gebruik van die standaard vog formule, verminder na onderstaande vogpersentasies.

Produk	Vog persentasie: Geag as droë graan
Mielies	12,5%
Graansorghum	12,5%

Die formule vir die berekening van die aansuiwering is as volg:

$$\text{Bruto Massa} \times \frac{100}{100 - \text{Werklike voginhoud}}$$

100 – Wetlik voorgeskrewe voginhoud van graansoort (soos hieronder uiteengesit. Sou die wetlik voorgeskrewe voginhoud op enige stadium gewysig word, sal die wetlik voorgeskrewe voginhoud hieronder uiteengesit, dienooreenkomsdig aangepas word)

## 8. SOMERGRAAN DROOGTARIEWE ( SLEGS OP MIELIES VAN TOEPASSING )

- 8.1.1 Vog persentasies van graan word met behulp van 'n bedryf aanvaarbare standaard vogmeter bepaal wat volgens die vervaardiger se voorskrifte en prosedures gekalibreer is.
- 8.1.2 Volledige inligting met betrekking tot die besikbaarheid en vereistes ten opsigte van die drogingsfasilitet is by die silo besikbaar.
- 8.1.3 **Senwes Grainlink behou hom die reg voor om die ontvangs van mielies waarvan die vog persentasie die maksimum vog persentasie (14% - klausule 7.2) oorskry, te stop indien daar 'n oor aanbod van sodanige mielies is en droogkapasiteit nie voldoende is nie.**
- 8.1.4 Senwes Grainlink is van tyd tot tyd, volgens sy diskresie, bereid om by silo's waar **drogingsfasilitete** besikbaar is, mielies met 'n hoër vog persentasie (meer as 14% vog inhoud) te aanvaar. Die mielies kan dan op die koste van die klant gedroog word, onderhewig aan die toepaslike massa-aanpassing vir surplus vog. Volledige inligting met betrekking tot die besikbaarheid en vereistes ten opsigte van die drogingsfasilitet is by die silo besikbaar.
- 8.1.5 **Slegs Graansorghum waarvan die voginhoud van 14.0% of minder sal in ontvangs geneem word.**

8.2 Die droogtariewe van toepassing is as volg:

**Senwes Grainlink het na heroorweging, en as gevolg van markomstandighede besluit om vir die 2021/2022 mielie ontvangste seisoen wel droogkoste te hef op mielies met die volgende voorwaardes en onderskeidings. Dit geld vanaf 1 Mei 2021 tot 30 April 2022 (Slegs van toepassing op Mielies). Alle ontvangstes van mielies met 'n vog persentasie van meer as 14% is onderhewig aan die beskikbaarheid van kapasiteit. Vir enige navrae kontak die betrokke silobestuurder.**

- 8.2.1 Indien mielies op Dag Tarief ontvang word, sal daar droog kostes vir die klient se rekening wees. Hierdie mielies kan binne 15 werksdae onttrek word. Die lewering op dagtarief se beskikbaarheid sal deur die silobestuurder gemonitor en gekommunikeer word. Hierdie reëling sal ook slegs geld by silo's wat toegerus is met graandroërs.
- 8.2.2 Indien mielies op Uitgestelde Opberging of Seisoen tarief ontvang word sal daar geen droog kostes teen die klient gedebiteer word nie. Graan kan na 90 dae onttrek/verhandel word. Die gratis droging in hierdie geval kan opgehef word na gelang van die operationele omstandighede per silo.
- 8.2.3 Die lewering van sekere vogintervalle sal na gelang van elke spesifieke silo se operationele moontlikhede deur die silobestuurder van die betrokke silo vasgestel word. Skakel u Silobestuurder vir meer inligting.

**Mielies – Drogings koste per vog interval (1 Mei 2021 tot 30 April 2022):**

		TARIEF / RAND PER TON	
	PERSENTASIE VOG	SONDER BTW	MET BTW
Alle silo's wat toegerus is met graandroërs	14,1 – 14,5	R74.75	R85.96
	14,6 – 15,0	R97.75	R112.41
	15,1 – 16,0	R100.42	R115.48
	16,1 – 17,0	R142.91	R164.35
	17,1 – 18,0	R212.87	R244.80

**\*Alle mielies met 'n vog persentasie meer as 14.0% wat gedroog moet word met graandroërs sal eers onttrek kan word na 15 werksdae indien droë graan beskikbaar is.**

## **9. VERWYDERING VAN SKADELIKE SADE (SLEGS OP MIELIES VAN TOEPASSING)**

Ten einde die klant behulpsaam te wees om vragte skoon te maak, lewer Senwes Grainlink 'n diens teen 'n tarief, waar sodanige fasilitet beskikbaar is. Indien 'n besending meer as die toegelate skadelike sade bevat ten opsigte van die mielies, moet die produk baie stadig gesif word om al die skadelike sade te verwijder.

Volledige besonderhede van die diens is by die silobestuurders beskikbaar.

### **9.1 Klant neem nie sifsels en skadelike sade terug nie.**

**Alle materiaal onder die 6,35mm rondegat graderingsif word gebruik vir die berekening van die persentasie van die massa-aanpassing wat op die levering toegepas word.**

Die kostes is soos volg:

### **9.2 SIF KOSTE – SIFSELS BLY BY SILO (sifsels wat vrykom bly Senwes Grainlink se eiendom)**

Produk	Aantal Sade per 1 Kg	Tarief (Rand per Ton)	
		Sonder BTW	BTW Ingesluit
Mielies	2 - 20	R 58.56	R 67.35
	21 – 30	R 124.45	R 143.12
	31 – 40	R 204.97	R 235.72
	41 - 50	R 439.23	R 505.11
	➤ 51	R 893.10	R 1027.07

- In die geval van Graansorghum sal geen skadelike sade toegelaat word tydens levering nie.**
- Indien enige heuningdou, ergot of Claviceps africana op Graansorghum sou voorkom sal Senwes Grainlink dit nie ontvang nie.**
- Indien 'n silo sou beskik oor skoonmaakfasaliteite en indien bedryfsomstandighede dit sou toelaat, kan klante se vragte tydens levering skoongemaak word vir skadelike sade voor gradering. In hierdie geval bly die sifsels en vreemdemateriaal wat sou vrykom tydens hierdie aksie die eiendom van Senwes Grainlink. Die koste vir die diens is gelykstaande aan die koste vir verwijdering van skadelike sade. Indien slegs 'n oormaat sifsels of vreemdemateriaal verwijder moet word, sal die koste R58.56 (BTW uitgesluit) per ton wees. (Indien hierdie praktyk nie toegepas kan word nie of indien die silo nie die graan tenvolle skoongemaak kan kry na een keer se sifaksie nie, sal paragraaf 9.1 van toepassing bly)**

## **10.0 GRAANKOSTEREKENINGE:**

- 10.1 Alle silokostes is betaalbaar 30 dae na maandstaat datum of soos met Senwes Grainlink skriftelik oorengekom. Indien die klant versuim om die betaling betyds te maak, word rente gehef volgens die graanopbergings ooreenkoms aangegaan, op die uitstaande bedrae gehef.  
Rente word gehef teen ABSA Bank se heersende prima uitleenkoers + 2%, soos van tyd tot tyd van toepassing, gehef word vanaf die datum waarop die bedrag betaalbaar was tot datum van finale betaling
- 10.2 Onttrekking en oorplasing van graan vanuit klante-opberging sal slegs toegelaat word en silo- en Safex-sertifikate sal slegs uitgereik word, indien rekening ten volle betaal is. Senwes Grainlink mag egter in sy eie diskresie sodanige onttrekking of uitreiking toelaat, indien daar op daardie stadium voldoende graanwaarde, in retensie op voorraad oorbly om as sekuriteit vir Senwes Grainlink se uitstaande rekening te dien

## **11. DIVERSE TARIEWE**

Diverse dienste word geag as ondersteunend tot Senwes Grainlink se graandienste en word aangebied waar die toerusting beskikbaar is en nie beset is nie. Die tariewe wat geld vir die gebruik van diverse Senwes Grainlink fasiliteite is vanaf 1 Mei 2021 tot 30 April 2022 soos volg:

### **11.1 Massametings**

11.1.1 Alle klante wat die massa van 'n vrag wat nie afgelaai word nie, wil bepaal, betaal R5.34 per ton, BTW uitgesluit en R6.14 BTW ingesluit op die totale massa van die vrag, vir die gebruik van die massameter met 'n minimum koste van R69.23 BTW uitgesluit en R79.62 BTW ingesluit.

11.1.2 Klante en privaat instansies wat nie oor klante nommers beskik nie, moet kontant vir die diens betaal wanneer dit gelewer word.

11.1.3 Senwes Grainlink aanvaar geen regsaanspreeklikheid vir die korrektheid van die massa van sodanige goedere wat geweeg word nie.

11.1.4 Senwes Grainlink gradeer nie 'n vrag met graan wat geweeg en nie afgelaai word nie.

### **11.2 Versakkingskoste (Indien die fasiliteite en toerusting beskikbaar is)**

Koste vir versakking van graan beloop R140.00 per ton BTW uitgesluit en R161.00 BTW ingesluit en klante verskaf hul eie sakke.

## **12. VERSPORING/UITLAAI VAN GRAAN**

### **12.1 Graan Uitlaai**

Enige klant wat graan wil uitlaai, moet Senwes Grainlink **ten minste 10 werksdae** kennis gee van sy voorneme om graan te onttrek. Geen graan mag uitgelaai word sonder Senwes Grainlink Hoofkantoor se toestemming nie.

Waar 'n instruksie waarop nog geen graan uitgelaai is nie op versoek van die klant gewysig word, sal die wysigings kosteloos gedoen word. Indien graan reeds op die instruksie uitgelaai en 'n wysiging word versoek, sal die koste R4.84/ton (BTW uitgesluit) beloop en R5.57/ton (BTW ingesluit).

### **12.2 Graanoorplasing**

Graanoorplasing mag tussen klante gedoen word. Die nodige reëlings kan met die graanverkryger, silobestuurder of hoofkantoor graanopbergingsafdeling getref word. Die tarief vir die oorplasing van graan van een klant na 'n ander klant beloop R6.79 per ton BTW uitgesluit en R7.81 BTW ingesluit, onderhewig aan 'n minimum van R119.00 BTW uitgesluit en R136.85 BTW ingesluit met 'n maksimum van R1106.30 BTW uitgesluit en R1272.25 BTW ingesluit, per transaksie en kan slegs na vereffening van die silo-kosterekening plaasvind.

### **13. ADMINISTRATIEWE TARIEWE**

<b>Diverse / Admin koste opsomming (van toepassing op alle graensoorte )</b>		
<b>5</b>	<b>Administrasie Tariewe (01/05/2021 – 30/04/2022)</b>	
	Instruksie wysigings	R4.84 /Ton/ R92.21 minimum per transaksie (BTW uitgesluit) R5.57 /Ton/ R106.04 minimum per transaksie (BTW ingesluit)
	Mielies en Sorghum oorplasing / konsolidasie	R6.79 /Ton R119.00 minimum per transaksie (BTW uitgesluit) R7.81 /Ton/ R136.85 minimum per transaksie (BTW ingesluit)
	Sertifikaat omskakeling na ander tarief opsigte/Sertifikaat uitreikings koste	R4.21 /Ton/ R92.21 minimum per transaksie (BTW uitgesluit) R4.84 /Ton/ R106.04 minimum per transaksie (BTW ingesluit)
	Fasilitering	R7.37 / Ton tot en met 50 000 ton(BTW uitgesluit) R8.48 (BTW ingesluit) R5.90 / Ton > 50 000 ton tot 75 000 ton (BTW uitgesluit) R6.78(BTW ingesluit) R4.99 /Ton > 75 000 ton tot 100 000 ton (BTW uitgesluit) R5.74 (BTW ingesluit) R4.07/Ton > 100 000 ton plus (BTW uitgesluit) R4.69 (BTW ingesluit)
<b>6</b>	<b>Diverse Tariewe (01/05/2021 – 30/04/2022)</b>	
	Weeg	R5.34 / Ton (BTW uitgesluit) R6.14 /Ton (BTW ingesluit) Minimum koste/vrag R69.23 (BTW uitgesluit) R79.62 (BTW ingesluit)
	Uitsakkoste (sakke uitgesluit)	R140.00 / Ton (BTW uitgesluit) R161 /Ton (BTW ingesluit)

## **13.1 WOORDOMSKRYWINGS**

**“Fasilitering”** beteken waar Senwes Grainlink die administrasie van die kontrak namens die koper van die graan hanteer.

**“Voorraadoorplasing”** is waar die voorraad van een persoon/klant oorgeplaas word na 'n derde party.

**“Standaard Leweringsinligting”** bevat onder andere inligting soos die leveringsdatum, tipe graan, voertuigregistrasie nommer en netto massa.

**“Versporing”** is enige vorm van transport waar die produk van een punt na 'n ander vervoer word.

**“Kopers”** is individue en/of instansies wie graan aankoop.

**“Produsente”** is individue en/of instansies wie graanprodukte produseer.

## **13.2 DIREKTE ONTVANGSTES/LEWERINGS BY SILO'S VIR KOPERS VANAF ANDER KLANTE**

Die volgende opsies is bewerkstellig:

### **13.2.1 DIREKTE ONTVANGSTES**

Transaksie geskied as volg:

- Voordat graan by silo ontvang kan word, moet die klant wat die graan op sy folio wil lewer, eers hoofkantoor skakel om seker te maak dat daar wel 'n folio nommer beskikbaar is om graanontvangstes op te kan doen. 'n Folio nommer sal met "52\*\*\*\*\*" of "4\*\*\*\*\*" begin.
- Indien daar nie 'n folio nommer beskikbaar is nie, moet dit eers geskep word by Senwes Grainlink Sentrale Administrasie nadat alle toepaslike dokumentasie en aansoekvorms ontvang en onderteken is. Kontakpersoon: u verkryger of silobestuurder.
- Die klant, soos vermeld in die voormalde skrywe, betaal 'n hanteringstarief per ton, welke tarief onder andere voorsiening maak dat beperkte standaard leveringsinligting aan die klant beskikbaar gestel word op aanvraag.

### **13.2.2 FASILITERINGS**

Fasiliterings ooreenkomste met 'n koper geskied ooreenkomstig die volgende beginsels:

- Die administrasiekoste vir fasilitering beloop as volg:
  - Afgekondigde tarief van R7.37/ton (BTW uitgesluit) R8.48 (BTW ingesluit) tot en met 50 000 ton.
  - >50 000 ton tot 75 000 ton R5.90/ton (BTW uitgesluit) R6.78 ton (BTW ingesluit)
  - >75 000 ton tot 100 000 ton R4.99/ton (BTW uitgesluit) R5.74/ton (BTW ingesluit)
  - >100 000 ton plus R4.07/ton (BTW uitgesluit) R4.68/ton (BTW ingesluit)
- Die koper is geregtig op inligting met betrekking tot voorraad, ontvangstes, bestellings, versporings en balanse.

Fasiliterings transaksies word soos volg hanteer:

- Senwes Grainlink open 'n aankoopkontrak wat die produsent in staat stel om by die silo te kan lewer.
- Hierdie aankoopkontrak word gekoppel aan 'n verkoopkontrak wat in die koper se naam geopen word.
- Sodra lewerings plaasvind, nomineer die produsent die kontrak waarop die lewerings geskied. Indien die produsent aandui dat die lewering op die fasiliteringskontrak geskied, skakel die voorraad oor van die aankoopkontrak na die verkoopkontrak.
- Die opberging, hantering en administrasiekoste is vir die koper se rekening.

Senwes Grainlink benodig die volgende inligting indien u sou belangstel in 'n fasiliterings transaksie:

- Silo waar lewering gaan plaasvind;
- Die tipe graan wat gelewer gaan word, bv. WM1 of YM1
- Die produsent se naam en leweringsnommer;
- Die tonnemaat wat gelewer gaan word.

Die volgende reëeling is ook van toepassing op fasiliteringskontrakte:

- Senwes Grainlink is nie aanspreeklik vir enige skade in enige gevalle waar die produsent besluit om nie sy graan op die fasiliteringskontrak te lever nie.
- Senwes Grainlink is nie die agent of verteenwoordiger van die klant nie.
- Dit gebeur gereeld dat droog- en skoonmaakkostes teen 'n klant gedebiteer word en probleme dan ontstaan by die vereffening van die rekening. Vyf (5) ton graan van die eerste vrag van 'n produsent wat op die fasiliteringskontrak lever word op boerevoorraad ontvang as sekuriteit ten opsigte van graankostes wat moontlik kan ontstaan.
- Sodra die rekening vereffen word, word die graan wat op klant se rekening ontvang is, na die fasiliteringskontrak oorgeplaas.

### **13.3. VOORRAADBALANSE EN VERSENDINGSINLIGTING TEN OPSIGTE VAN SILOSERTIFIKATE / VOORRAADOORPLASINGS VANAF EEN KLANT NA 'N ANDER KLANT**

- Detail inligting rakende voorraadbalanse en/of versendings sal een keer per maand op aanvraag beskikbaar wees.

### **13.4. VOORRAADOORPLASINGS EN KONSOLIDASIE VAN VOORRAAD**

- Indien 'n klein hoeveelheid voorraad van die koper op 'n kontrak oorbly, kan Senwes Grainlink dit oorweeg om dit terug te koop teen 'n ooreengekome prys.
- Oorplasingskoste van voorrade vanaf een klant na 'n ander beloop R6.79 (BTW uitgesluit), R7.81 (BTW ingesluit) per ton, onderhewig aan 'n minimum van R119.00 (BTW uitgesluit), R136.85 (BTW ingesluit) per transaksie en 'n maksimum van R1106.30 (BTW uitgesluit) R1272.25 (BTW ingesluit). Die kontraknommer, koperkode, tonnemaat en silo moet vermeld word met so 'n versoek. Beide partye moet toestemming gee vir hierdie tipe oorplasing asook wie verantwoordelikheid aanvaar vir die oorplasingskoste. Gepaste dokumentasie vir die doel is by u naaste silo beskikbaar.

Voorraadbalanse en/of versendinginligting is beskikbaar soos in punt 2 omskryf.

### **13.5 ELEKTRONIESE SILOSERTIFIKATE**

- Uitreikingskoste van 'n Elektroniese Silosertifikaat beloop:
  - R4.21 (BTW uitgesluit), R4.84(BTW ingesluit) per ton beperk tot 'n minimum van R92.21 (BTW uitgesluit), R106.04 (BTW ingesluit) per silosertifikaat;
  - Electronic Silo Certificate ("ESC") transaksiekoste soos van tyd tot tyd deur ESC bepaal word.
- Senwes Grainlink Elektroniese Silo sertifikate bied onder andere die volgende voordele, sonder om dit te waarborg:
  - Eienaarskap oordrag geskied in 'n veilige omgewing;
  - Verhoogde effektiwiteit deur verbeterde kontroles, die uitskakeling van die versending van silo sertifikate aan klante asook die kansellasie van sertifikate;
  - Die risiko van bedrog word verminder;
  - Intydse inligting is beskikbaar;
  - Die Elektroniese Silo sertifikaatregister vergemaklik rekordhouding vir klante en kan selfs bestaande rekordhouding van klante vervang.
  - Die stelsel is tot beskikking en gemak van silo-eienaars en alle partye wat silosertifikate gebruik, insluitende makelaars, handelaars en verwerkers;
  - Koste verbonde aan Senwes Grainlink Elektroniese Silo sertifikate: Die produsent/klant is verantwoordelik vir normale silokoste ten opsigte van hantering en bering;
  - Klante moet by ESC hul unieke pin nommer en wagwoord registreer;
  - Besoek [www.silosert.co.za](http://www.silosert.co.za) vir registrasie en verdere opleiding.

## 13.6 VERSPORINGREËLINGS

- **Let wel :** Uitlaai geskied streng volgens voorafbespreking soos hieronder uiteengesit. Waar kopers nie bespreek nie of waar die transporteerder nie op die bespreekte tyd opdaag nie, sal die betrokke instruksie óf nie hanteer kan word nie, óf eers ná ander besprekings hanteer word. Maak asseblief seker dat u transporteerder van hierdie reëlings bewus is ten einde enige ongerief en verdere kostes te verhoed.
- Die volgende inligting word benodig wanneer graan uitgelaai en/of bestel word:
  - Koperkode, kontraknommer en silo waar gelaai word;
  - Tonnemaat;
  - Datum wanneer uitlaai beoog word;
  - Transporteerder se besonderhede. Faks transporteerder se besonderhede (naam van die transporteerder, voertuigregistrasie-nommer en identiteitsnommer van bestuurder) aan hoofkantoor en relevante silo;
  - Spoorvervoer: Syllynnommer en Spoornet rekeningnommer.
  - Onttrekkingsdokument voltooi en indien (Beskikbaar op Intranet)
- Bogenoemde besonderhede moet gestuur word aan Karin Lombard per epos of u kan haar kontak by (018) 464 7519. E-pos: [senwesgrainstock@senwes.co.za](mailto:senwesgrainstock@senwes.co.za).
- Uitlaai instruksienommer word aan u voorsien, waarna die toepaslike reëlings vir die uitlaai van die produk by die gepaste silo gereël moet word.
- Waar bestellings per spoor geskied, moet u die voorafbeplanning wat deur Spoornet vereis word in gedagte hou.
- Laai reëlings moet minstens **10 (tien) werksdae** vooraf met die betrokke silo getref word. `n Uitlaai instruksienommer beteken nie dat daar by die silo opgedaan kan word om uit te laai sonder vooraf reëlings met die silo wat behels uitlaatyd en datum nie.

Senwes Grainlink sal egter geen aanspreeklikheid oploop indien dit nie op die ooreengekome datum van uitlaai in staat is om uit te laai nie, en sodanige onvermoë om uit te laai ontstaan as gevolg van omstandighede buite Senwes Grainlink se beheer.

- Enige veranderings aan instruksies sal nie by die silo geskied nie, maar moet gereël word by Senwes Grainlink ( Versporings), Corne Olivier (018) 464 7226.
- Indien dit sou gebeur dat Senwes Grainlink nie `n betrokke graansoort of graad kan uitlaai by `n betrokke bedryfspunt nie, sal Senwes Grainlink geregtig wees om die graan of graad beskikbaar te stel by `n alternatiewe bedryfspunt waar die graansoort of graad wel beskikbaar is, wat die klant in dieselfde posisie sal plaas as die aanvanklike bedryfspunt soos omskryf in die JSE voorskrifte.
- Indien graan onder beroking is by `n bedryfspunt sal Senwes Grainlink die mark van beroking inkennis stel en sal in hierdie geval nie verplig wees om die uitlaai van die betrokke graan by alternatiewe bedryfspunte te laat plaasvind nie, sowel as in die geval van `n breekstop of gesondheidsrisiko's waar die uitlaai van graan onmiddelik gestaak kan word.

- Senwes Grainlink is van voorneme om die spesifieke graad wat die klant waartoe hy geregtig is sou wou onttrek, uit te laai volgens die graderingsregulasies soos gepubliseer in die staatskoerant. Indien 'n klant spesifieke graderings resultate of addisionele toetse op die spesifieke graansoort of graad sou versoek, sal dit vir die klant se eie koste verwys word na 'n onafhanklike geakkrediteerde instansie, met dien verstande dat Senwes Grainlink se amptelike vrywarings dokumente onderteken is. Enige versoekte rakende graan kwaliteit kan per e-pos gerig word aan [grainquality@senwes.co.za](mailto:grainquality@senwes.co.za).
- Geen eise vir kort massa sal oorweeg word wanneer graan per pad by silo's opgeneem word nie.
- Alle instruksies/kontrake wat op 'n ex-silo basis uitgereik word sal Senwes Grainlink nie instaan vir die vervoer koste indien 'n graderings dispuit verklaar word nie, sowel as in die gevalle waar klante gebruik sou maak van eksterne of derde party gradeerders tydens uit laai. Let ook dat geen eksterne gradeerder of derde party gradeerder toegelaat sal word om operationele besluite te neem tydens die uitlaai van graan by Senwes Grainlink se bedryfspunte nie.
- Indien vragmotors per abuis oorlaai word sal die bestuurder van die vragmotor versoek word om die geskikte hoeveelheid af te laai. Geen vragmotor sal oorlaai word nie – slegs die wetlike dravermoë van vragmotors sal gelaai word.
- Waar silosertifikate of voorraadoorplasings tussen klante betrokke is, word slegs die versporingsdokumentasie wat die vragmotor of treintrok vergesel, voorsien.
- Waar 'n instruksie waar nog geen graan uitgelaai is nie, op versoek van die klant gewysig word, sal die wysigings kosteloos gedoen word. Indien graan reeds op die instruksie uitgelaai is en 'n wysiging word versoek sal die koste R4.84 / ton (BTW uitgesluit), R5.57 /ton (BTW ingesluit) beloop met 'n minimum tarief van R92.21/Ton (BTW uitgesluit) en R106.04 (BTW ingesluit).
- Waar 'n vrag op 'n instruksie gelaai is, versoek word dat instruksie gekanselleer word en die vrag moet afgelaai word, is die hanteringsbedrag betaalbaar.
- Indien daar toestemming gevra word om na-ure te laai, moet die versoek reeds 5 werksdae vooraf gerig word aan die streekbestuurder van die betrokke silo vir goedkeuring. Indien goedgekeur sal die klant telefonies of per e-pos verwittig word. Daar is geen verpligting op Senwes Grainlink om wel na-ure uitlaai goed te keur nie. Die klant moet skriftelik/per e-pos, bevestig dat die klant bereid is om die na-ure laai tarief van R16.94/ ton (BTW uitgesluit), R19.48 /ton (BTW ingesluit) te aanvaar vir mielies en graansorghum. Oliesade se tarief sal op 'n latere stadium bekend gemaak word.

### **Kragonderbrekings en kragopwekker**

- Die volgende is van toepassing slegs by Senwes Grainlink silo's wat toegerus is met kragopwekkers wat in staat is om die elektriese lading van die betrokke silo te kan hanteer. Beurtkrag is 'n werklikheid wat 'n wesentlike effek op die industrie sowel as die totale ekonomiese situasie het. Senwes Grainlink kon tot nou toe klante akkommodeer deur van kragopwekkers gebruik te maak by sommige van ons silo's.

- Van die Senwes Grainlink silo's word egter verder geaffekteer deur die munisipaliteit wat tans erg problematiese ondervind met hul elektrisiteit distribusie.
- Senwes Grainlink het nie beheer oor bogenoemde nie en affekteer dit die operasionele bedrywigheid van die silo. Dit plaas egter 'n baie hoë koste op Senwes Grainlink om deurlopend van kragopwekkers gebruik te maak en was Senwes Grainlink genoodsaak om die volgende reëling in plek te stel vanaf 1 Mei 2021 en sal jaarliks die koste aanpas.
- Die koste om graan met behulp van 'n kragopwekker uit te laai beloop R39/ton. Senwes Grainlink is bereid om R26/ton by te dra tot die koste. Indien koper / eienaar van die graan bereid is om die addisionele R13/ton (sonder BTW) te betaal vir die gebruik van 'n kragopwekker, kan Senwes Grainlink die laaibeurte tydens kragonderbrekings diens.
- Hierdie is 'n vrywillige deelname en indien 'n klant nie van die opsie gebruik wil maak nie, sal die klant se laai gleuf aanskuif tot wanneer die kragonderbreking opgehef word.
- Geen vragte sal tydens kragonderbreking uitgelaai word met behulp van 'n kragopwekker tensy die graan eienaar skriftelike daartoe toegestem het nie, en sodanige toestemming aan die betrokke silo gestuur of gelewer het nie.
- Die graan eienaar sal met die kragopwekker tarief (waar van toepassing) gefakteureer word, welke betaalbaar is binne 30 dae na datum van faktuur.

## **14 DISPUUT PROSEDURES**

Dispute word as volg hanteer:

Alle dispute moet aan [ListSenwesGrainDisputes@senwes.co.za](mailto>ListSenwesGrainDisputes@senwes.co.za) gestuur word

Die doel van hierdie prosedure is om die koper te help om die regte stappe te volg ten opsigte van 'n dispuit, wat sal verseker dat sy koste verhaal word indien die dispuit suksesvol is.

'n Dubbel buis steker sal gebruik word vir die monsterneming van 'n omstrede besending.

### **GRADERINGS DISPUTE**

'n Dispuut moet per besending verklaar word (1 wa of 1 vragmotorvrag) en dienooreenkomsdig hanteer word.

- Alle dispute moet telefonies met die dispuit beampie by Senwes Grainlink Hoofkantoor verklaar word. Telefoniese dispute moet skriftelik opgevolg word vir registrasie.
- Dispute moet skriftelik op die voorgeskrewe dispuit vorm (beskikbaar by die dispuit klerk) deur die kliënt (die kontrakparty met Senwes Grainlink) ingedien word. Slegs geregistreerde dispute sal oorweeg word.
- Die dispuit begin na ontvangs van 'n voltooide geskrewe dispuit verklaring vergesel van 'n voltooide skriftelike graderingsverslag. (E-pos)

- Monsterneming en gradering moet gedoen word in ooreenstemming met die regulasies vir die spesifieke kommoditeit soos uiteengesit in die Staatskoerant, en moet deur 'n gekwalifiseerde gradeerder met die nodige graderings sertifikate ten opsigte van die spesifieke kommoditeit gedoen word.
- Indien 'n arbiter die dispuut (versending) ondersoek, moet die voorgeskrewe graderingstoerusting beskikbaar en in werkende toestand wees. As die graderingstoerusting nie beskikbaar is nie, sal die Senwes Grainlink oorspronklike gradering volgens versendingsdokument aanvaar word.
- Indien 'n besending afgelaai word voor registrasie en aanvaarding daarvan, sal geen dispuut of aanspreeklikheid berus nie en word die Senwes Grainlink-gradering as final en korrek aanvaar.
- Geen dispuut kan verklaar word ten opsigte van die besending waarvoor die koper toestemming verleen het vir die vermenging van verskillende soorte produkte nie.
- Sou die koper - wat die kommoditeit by Senwes Grainlink gekoop het - nie die party wees wat die geskil aanhangig maak nie (voormalige koper het herverkoop, of die eienaarskap van die kommoditeit aan 'n derde party oorgedra het - "derde party"), behou Senwes Grainlink hom die reg voor om onderhandel met die derde party om die geskil op te los.

#### **MASSA DISPUTE**

- Gewigsbepaling word gedoen op Senwes Grainlink gekalibreerde en geverifieerde weegbruê en is final soos dit deur die vervoerder gelaaï en aanvaar word. Indien die ontvanger van mening is dat 'n fisiese verlies tydens vervoer plaasgevind het, moet die verlies van die betrokke vervoerder verhaal word.

#### **ARBITER**

- Senwes Grainlink kan aandring op die aanstelling van 'n onbevooroordelde arbiter om 'n betwiste Senwes Grainlink-besending te ondersoek voordat besluite gefinaliseer word. Daar moet ooreengekom word op die spesifieke arbiter- en arbitrasiekoste (skriftelik) na registrasie van die dispuut, en sodoende kan Senwes Grainlink vrygestel word van enige verwante koste.
- Senwes Grainlink is slegs vir die koste van die arbiter aanspreeklik indien daar op die bestaande grondslag ooreengekom is.

#### **VERVOER**

- Vervoerkoste ten opsigte van eise is nie van toepassing op openbare vakansiedae en naweke nie.

#### **SPOORVERVOER**

- 24 uur word toegelaat waartydens 'n dispuut opgelos kan word, en vir welke tydperk geen koste geëis mag word nie. (Vervoerkoste, onkostes en graderingskoste)
- Besendings wat per spoor vervoer word en langer as twee weke (10 dae) onderweg is, kan Senwes Grainlink nie verantwoordelik gehou word op eise rakend inseksmetting nie.

#### **PADVERVOER**

- Vervoerkoste as gevolg van dispute word afsonderlik van graderings dispute hanteer.
- Indien 'n dispuut ten gunste van die koper besleg word, moet vervoertariewe vir retoervragte onderhandel en bevestig word tussen Senwes Grainlink en die Vervoerder. Senwes Grainlink sal slegs onderhandel vir 'n markverwante vervoertarief.

- Gedurende normale werksure (07:00 - 17:00 weeksdae, Saterdae, Sondae en openbare vakansiedae), word drie (3) ure toegelaat waartydens 'n dispuum opgelos kan word voordat enige koste verhaal kan word.
- Besendings moet binne redelike tyd vervoer word met inagneming van die afstand tussen laaipunt en aflaaipunt. In die geval dat 'n vrag nie binne 'n redelike tyd by sy bestemming aangelewer kan word nie, moet dit aan die dispuum kantoor gerapporteer word. Indien bogenoemde nie van toepassing is nie, is die besending se verantwoordelikheid van die koper en kan geen dispuum verklaar word nie.

## **Navrae / Enquiries**

*Administrasie/Administration*  
 Anika Harris •(018) 464 7484  
[anika.harris@senwes.co.za](mailto:anika.harris@senwes.co.za)

*Silosertifikate/Silo certificates*  
 Teresa Fibiger • (018) 464 7624  
[teresa.fibiger@senwes.co.za](mailto:teresa.fibiger@senwes.co.za)

*Boerevoorraad / Farmer stock*  
 Melissa Wiese • (018) 464 7893  
[senwesgrainstock@senwes.co.za](mailto:senwesgrainstock@senwes.co.za)

*Versporing/vrd oordragte*  
 Karin Lombard • (018) 464 7519  
[senwesgrainstock@senwes.co.za](mailto:senwesgrainstock@senwes.co.za)

*Senwes Grainlink – Operasionele bestuurder / Manager: Operations*  
 Graham Lottering • (018) 464 7625  
[graham.lottering@senwes.co.za](mailto:graham.lottering@senwes.co.za)

## **15. VOEDSELVEILIGHEID: VOEDSELHIGIËNE**

15.1 Vragmotors, trekkers en waens sal tydens lewerings geïnspekteer word om te verseker dat glas, olie, diesel, verkoelerwater, stukke metaal, ensovoorts nie in die graan kom nie. Die silopersoneel is by magte om klante toegang tot aflaaipunte te weier indien voedselhigiënerisiko's na sodanige personeel se oordeel ter sprake is. Seile wat gebruik word moet ook skoon en insekvry wees.

15.2 **Die klant, by lewering van enige graan, verseker en waarborg dat:**

	Graan geskik is vir menslike en dierlike gebruik;
--	---

	Alle chemiese toedienings voldoen aan die Wet op Misstowwe, Veevoedsel, Landboumiddels en Veemiddels, Wet 36 van 1947, en die Wet op Landbouprodukstandaarde, Wet 119 van 1990 of enige toepaslike wetgewing, en dat volledige rekord gehou is van alle chemiese toedienings op die produk wat gelewer word;
	Die produk nie besmet is met enige skadelike toksiene of enige gifstowwe wat skadelik of gevaaerlik is vir menslike en dierlike gebruik
15.3	<p>Klant se chemiese verklaring (Bylaag 1). Klante moet hulself vergewis van die wetlike vereistes ten opsigte van chemiese middels en voldoen aan die standaarde soos daarin neergelê. Klante sal verplig wees om voor lewerings 'n verklaring van nakoming by Senwes Grainlink in te dien, waarin hul verklaar dat hul:</p> <ul style="list-style-type: none"> <li>• die voorskrifte nagekom het</li> <li>• nie onwettige middels en/of</li> <li>• geen foutiewe dosisse en/of</li> <li>• op verkeerde tye van die wettige middels toegedien het nie.</li> </ul>
15.4	Vir die gerief van die Klant is die chemiese verklaring agterop die Graan Lewerings Opdrag (GLO) aangebring en kan per vrag voltooi word.
	<b>Sou die klant nalaat om die chemiese verklaring te voltooi of in te dien, word aanvaar dat die kliënte deur sodanige optrede bevestig dat die spesifieke besending voldoen aan die vereistes uiteengesit in die chemiese verklaring.</b>
15.5	Senwes Grainlink sal te eniger tyd volgens sy diskresie geregtig wees om ondersoek in te stel na die nakoming van hierdie vereistes en om monsters te neem vir ontleding. Senwes Grainlink behou die reg om vragte weg te wys indien daar enige vermoede bestaan dat regulasies en / of wetgewing nie nagekom is nie.
<b>16. VERMENGING VAN GRAAN</b>	
	Senwes Grainlink stoor graan van dieselfde tipe en kwaliteit in losmaat, op sodanige wyse dat vermening van dieselfde tipe en kwaliteit plaasvind. Klante wat graan by Senwes Grainlink stoor, kan slegs aandring op dieselfde tipe en kwaliteit graan soos omskryf in die toepaslike graderingsregulasie en kan slegs graan van soortgelyke kwaliteit onttrek of bemark. Senwes Grainlink behou die reg voor om by teruglewering van die graan 'n soortgelyke of beter kwaliteit (gemeet volgens die standaard graderingsregulasies wat van toepassing is in die RSA) te lewer.
<b>17. GRAANLEWERINGSOPDRAG</b>	
17.1	Geen graanlewering sal ontvang word indien 'n graanleweringsopdrag nie deur die klant of deur 'n gevoldmagtigde voltooi en geteken is nie.
17.2	Silopersoneel mag nie 'n leweringsopdrag namens die klant onderteken nie.

## **18. VOORBEHOUD VAN REGTE**

Hierdie graan leveringsopdragdokument mag nie gebruik word deur klante om 'n aanbod om graan te verkoop of versoek in die verband aan te dui nie. Senwes Grainlink sal nie daarvan kennis neem nie. Klante wat hul graan aan Senwes Grainlink wil verkoop, moet met Senwes Grainlink se graanverkrygers kontak maak.

Senwes Grainlink behou die reg voor om op enige stadium, sonder vooraf kennisgewing, die voormalde tariewe te wysig. Sodanige gewysigde tariewe sal dan van toepassing wees op alle nuwe bergings of bergingsopsies wat na die wysigings gedoen/gekies word.

Kontrakte reeds aangegaan op tariewe soos gemeld in hierdie dokument sal nagekom word.



**GRAHAM LOTTERING  
OPERATIONELE BESTUURDER SILOBEDRYF**

## CHEMIESE VERKLARING

Bylaag 1

Ek, die ondergetekende,

Voorletters en Van: \_\_\_\_\_

Naam van plaas: \_\_\_\_\_

Posadres: \_\_\_\_\_

Lid nommer: \_\_\_\_\_

Wat van voorneme is om graan te lewer by die volgende silo's van Senwes Grainlink.

---

---

---

Neem hiermee kennis van die gebruik van chemiese middels en beperkings daarop graan soos vervat in die Wet op Misstowwe, Veevoedsel, Landboumiddels en Veemiddels (*Wet 36 van 1947*) en enige ander tersaaklike wetgewing.

Ek is bewus van die feit:

1. dat wetlike vereistes neergelê is met betrekking tot die gebruik van sekere onkruiddoders, insekdoders en verskeie ander landboukundige chemikalieë en die residu-vlakke van die relevante produkte wat in die produk teenwoordig mag wees en wat toegedien mag word.
2. dat ek my moet vergewis van die wetlike vereistes en dat ek moet voldoen aan die standarde soos daarin neergelê.
3. dat ek verplig sal wees om voorlewering hierdie verklaring van nakoming by Senwes Grainlink in te dien en ek verklaar dat ek die voorskrifte nagekom het en nie onwettige middels en/of teenfoutiewe dosisse of op verkeerde tye, van die wettige middels toegedien het nie.
4. dat Senwes Grainlink ter enige tyd volgens sy diskresie geregtig sal wees om ondersoek te doen met betrekking tot die nakoming van hierdie vereistes en om monsters te neem vir ontleding.
5. dat graan wat nie aan die vereistes voldoen nie, nie vir lewering aanvaar word nie en force majeure nie daarop van toepassing sal wees nie.

GETEKEN: : \_\_\_\_\_

PLEK : \_\_\_\_\_

DATUM : \_\_\_\_\_

**Boerevoorraad Oorplasing**

Hiermee gee ek: \_\_\_\_\_

Klant Nommer: \_\_\_\_\_

Toestemming aan (Silo): \_\_\_\_\_

Om van my boerevoorraad graan aan die volgende instansies te lewer of oor te plaas.

Instansie: \_\_\_\_\_

Klant no: \_\_\_\_\_

Soort graan: \_\_\_\_\_

Graad: \_\_\_\_\_

Massa: \_\_\_\_\_

**Voorwaardes:**

Alle koste (hantering, opberging en oorplasings koste) is vir die 1<sup>ste</sup> klant se rekening.

Oorblywende voorraad moet voldoende wees vir sekuriteit vir Rek 400.

**SENWES GRAINLINK behou die reg voor om die oorplasingsmassa te verminder om voldoende sekuriteit te verseker vir Rek 400.**

Indien enige oorplasings/rekening navrae skakel: (018) 464 7460 of (018) 464 7685.

Handtekening: \_\_\_\_\_

Datum: \_\_\_\_\_